

Դանիէլն՝ « Յամին ութեւտաններորդի », և ծաղկեց զամենայնն և զարդարեց . և որ զմեզ յիշէ՝ ինքն յիշեալ լիցի ի Քրիստոսէ Աստուծոյ . ամէն :

Կատարեցաւ սա որ կոչի Տարեգիրք, ձեռամբ յոգնամեղ եպիսկոպոսի Սիմէոնի և Յովհաննէս երիցի, ի քաղաքս որ կոչի Սեչով, ընդ հովանեաւ Ս. Աստուածածնին, առ ոտն կենսաբեր Ս. Խաչին, ի հայրապետութեան Տեառն կաթողիկոսի Տէր Սարգսի, և եպիսկոպոսութեան այսմ նահանգի փցուն զըրչիս, և պարոնութեան Պոհտան պարոնին, տարի ու կէս թագաւորութեան նորա . ի թվականութեան Հայոց ԶԾԵ, ի մարտ ամսոյ ժԲ օրն : — Յայսմ ալ ի Տէր Յովհաննէս արքեպիսկոպոս Ասլանպէկէն, և Սարգիս եպիսկոպոսն և Դաւիթ արեղան, նվիրակ էին եկեալ ի Ս. Էջմիածնէն . յիշեցէք և ըզնոքա ի բարին . և ձեզ յիշողացդ և մեզ յիշեցեւոցս ողորմեսցի Քրիստոս Աստուած : . . . [Աս Մխիթարեանս վիենայ] :

1518 .

Ես Յոհաննէս արեղաս գրեցի զսայ . և ես Ավետիք երեց օրընկեցի և զրեցի զսա ի Կամենից քաղաքս, Թվին ԶԿԷ : [Յայսմառաքր, ի Բարիզեան գրատան] :

1544 .

Կրկին նորոգեցաւ Սաղմոսարանս և կազմեցաւ ձեռամբ յոգնամեղ գրչի ձՃ ԺԺ ՄԹ 00 ՌՌ ԺԺ . (Մինասի) գարի, ի քաղաքիս Կամենից . Թվին ԶՂԳ, մարտի Դ աւարտեցաւ : Եւ Քրիստոսի փառք : [Սաղմոս ի Ս. Ղազար] :

1550 .

Գրեցաւ գիրս ի կայսերանիստ և ի մայրաքաղաքն մեծն Հռոմ ի Թվ. Հայոց Մեծաց ԶՂԸ, սեպտեմբերի Զ . ձեռամբն տառապեալ հողոյս Սիմէոն սարկաւագի Իւովցոյ . Եւ Քրիստոսի փառք : [Կոնդակ մի Ստեփանոսի Կաթողիկոսի] :

1556 .

Գրեցաւ աստուածաշունչ գիրս սուրբ հին Կտակարանաց ի Թվ. Հայոց Մեծաց ՌԵ, սեպտ . Դ, ի մայրաքաղաքն ի Լով, ընդ հովանեաւ Ս. Աստուածածնին Ննջման . ի թագաւորութեան Զիկմունտ Ակոստոսին Իւսիաց և Ըռուղաց և այլ խառնիճաղանճ ազգաց : Ի ժամանակս այս էր քոյր թագաւորին Մաճրաց թագուհին Զապէլլա և իւր նորաբողոքով որդին Եանուշ թագաւորն Մաճրաց, և բազում իշխանք և հեծեւազօրք ի քաղաքս ի Լով : Եւ գրեցի զսա ի խնդիր երջանիկ և աստուածաբան վարդապետին և արհիեպիսկոպոսին Տէր Գրիգորին Վարաբեցոյ, որ մականունն Անանիենց կոչի, և իմոյ անաթանու թեանս օրհնողին Սիմէոնիս . . . Զնորափոխ գրոցս փոխարկուս զանպիտան ոգիս զԱւետ՝ յիշեալ վերահասուտ . ընդ նմին և զտառապեալ հողս զգծողս